

**E TRIBON CABES DI
MARTIU TA RIBA E LISTA
DI PROTECCION DI NOS
LEYNAN LOCAL**



WWW.SOLODIPUEBLO.COM



SOLODIPUEBLO@GMAIL.COM

**MIEMBRONAN DI RAAD A
HIBA GOBIERNO CORTE
PA KIBRA REGLA Y METE
POLITICAMENTE DEN
COMPANIANAN DI UTILIDAD**



**ENSAYONAN PA E GRAN
“CALYPSO SHOWDOWN”
A CUMINSA**


Riba dia 9 di augustus 2025 lo corona e Aruba Caiso Monarch 2025 durante e Calypso Showdown presenta pa Stichting Musica

**#TEAMARU TA
CONOCE UN ATLETA
MAS PA ASU2025 NA
ASUNCION-PARAGUAY**

Atleta di Natacion Ocean van Loon lo participa na e Weganan Panamerican Junior



AUTO A PERDE CONTROL DAL PALO DI LUS CAUSA DAÑO Y BANDONA E SITIO!



Diadomingo a drenta bin compronde cu aki ta presenta pa asina repara e informe di un accidente trata di un accidente hit daño y polis a keda di revisa na Turibana, mesora a & run riba un palo di lus e grabacion di camaranan den vecindario. dirigi un patruya na e sitio. causando daño lagando e den vecindario. Na yegada di e patruya a sitio sin coriente. Elmar a



Ministro di Husticia y Asunto Social ta anuncia cu entrante **30 juli 2025** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **2 diesel generators** na **Sero Colorado 289**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

MIEMBRONAN DI RAAD A HIBA GOBIERNO CORTE PA KIBRA REGLA Y METE POLITICAMENTE DEN COMPANIANAN DI UTILIDAD

Oranjestad, 27 juli 2025
– E decision tuma pa e gobierno nobo avp/futuro, unda Minister Dowers a kita tur miembro di e consejo di directiva di Utilities Aruba N.V. y su subsidiarionan, WEB, ELMAR, AWSS y ARE, a causa hopi problema dor di varios violacion di reglanan existente.

Varios miembro a wordo kita sin advertensia, sin motibo cla, y simplemente alegando “perdida di confiansa”. Esaki ta contra tur e promesanan di bon gobernacion y tur regla cu e gobierno di Avp/Futuro mes a pone den su regeerakkoord (acuerdo di gobernacion).

Kibra regla y falta di transparencia

Segun documentonan legal

conoci pa Solo di Pueblo, gobierno no a duna razon hustificabel pa e retironan masal;

Gobierno no a sigui e proceduranan legal cu ta poni den ley pa kita miembronan di consejo; Y Gobierno no a respeta e proteccion contractual pa e miembronan di consejo den AWSS y ARE.

Esaki ta un violacion di e standard internacional, manera e OECD Guidelines for State-Owned Enterprises, cual ta bisa cla cu miembronan di consejo por wordo kita solamente pa motibo real y relaciona cu nan trabao y responsabilidad, y no pa motibo politico.

Palabra vs Accion:

Aunke e gobierno nobo a papia hopi fuerte tocante



transparencia, merito y un di maneho den empresa publico liber di metemento politico, e decision aki ta muestra hopi hipocrita.

Abogadonan local ta bisa cu esaki ta pone un precedenten peligroso: si por kita miembro asina facil, lo por kibra confiansa di inversionistanan y dañ a e estabilidad di institucionnan publico.

I awor?

Awor tin un caso cu ta den man di huez. E miembronan di consejo cu a wordo kita ta pidi pa wordo poni bek.

Un abogado renombra di Curacao a tuma e caso y a stel su mes pa tur e miembronan cu a keda afecta.

E caso ta bira hopi intresante, pa pulsa si un minister, (den e caso aki Dowers) por a kita tur miembro di raad van bestuur, sin motibo y just pa politikeria.

Si e huez dicta na favor di e miembronan di bestuur,

esaki lo forsa e gobierno pa sigui regla di bon gobernacion, of riesga mas daño legal.

E caso aki lo sirbi como un test: si e principionan di bon gobernacion ta prevalece, of si interes politico ta domina.

Clasificados



SOLODIPUEBLO@GMAIL.COM

CEL.585 9500



TRABOU DI MANTENCION RIBA LIÑA DI DISTRIBUCION MAHUMA

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 31 di juli, 2025
8:00 AM te cu 4:00 PM

Den vecindario di:

- Santa Cruz (un parti)
- Seroe Biento (un parti)
- Papilon (un parti)
- Jucuri (un parti)
- Mahuma (un parti)
- Santa Martha (un parti)
- Cochinilla

N.V. ELMAR ta pidi disculpa pa e inconveniencia cu e interupcion di coriente aki por causa.


Bishita www.elmar.aw pa mira e lista di adresnan afecta.

Danki pa e comprension.



ELMAR

CHAUFFEUR CU NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI NA ROTONDE PALM BEACH



Diadomingo atardi a drenta informe di un accidente na e rotonde Palm Beach, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Honda Inspire no a

regula su velocidad ni a mantene distancia a bay dal tras di un Neta V. Afortunadamente ningun hende a resulta herida.

CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI AUTO NA ROTONDE BALASHI

Diadomingo anochi a drenta informe di un accidente na e rotonde Balashi, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur biniendo cu velocidad halto a bay

dal tras di e auto su dilanti. Afortunadamente ningun hende a resulta herida.






CHAUFFEUR DI PICK-UP A PERDE CONTROL Y A SUBI ACERA BAY DAL RIBA MATA DI COCO Y RESULTA HERIDA

Diabierna anochi a drenta informe di un accidente cu hende herida dilanti waf riba L.G. Smith blvd., mesora a dirigi tanto polis como ambulans na e sitio. Na yegada di e patruya a bin compronde cu e chauffeur di un pick-up a perde control subi acera y a bay dal riba un mata di coco. Debi na e fuerte impacto ela resulta herida. Na yegada di e ambulans nan a atende e victima y a transporte pa hospital.



CHAUFFEUR A BAY NA MAN ROBES RIBA SASAKIWEG BAHA CAMINDA DRENTA DEN PLAS DI AWA



Diadomingo madruga a dreña informe di un accidente na Sasakiweg, mesora a dirigi un patruya na e sitio. Na yegada di e patruya a bin compronde cu aki ta trata di un accidente unfa cu un chauffeur a bay na man robes baha caminda y a bay cay cu su auto Kia den e plas di awa meymey di e 2 camindanan. Aparte di a sali cu sapato y pianan muha ningun hende a resulta herida.

#TEAMARU TA CONOCE UN ATLETA MAS PA ASU2025 NA ASUNCION-PARAGUAY Atleta di Natacion Ocean van Loon lo participa na e Weganan Panamerican Junior



Ocean van Loon
Swimming
Backstroke
100m & 200m

#TEAMARU

Diahuebs atardi ultimo a dreña un noticia sumamente positivo, unda cu a base di re-alocacion di cupo di participacion pa natacion na e Weganan Panamericano Junior, a ricibi un cupo adicional pa Aruba. E proceso di eligi e atleta cu lo por haci uso di e cupo aki a wordo haci door di e Aruba Aquatics Federation y e

hoben Ocean van Loon awor lo tin e oportunidad pa landa na e weganan Panamericano Junior den algun siman! COA



ta contento pa mira mas hoben haya e oportunidad di por competi na e nivel aki. #TEAMARU



BRIYANDO FUERTE • TRECIENDO CLARIDAD



CHAUFFEUR BURACHI DETENI DESPUES DI A CAUSA UN ACCIDENTE CU BASTA DAÑO RIBA SASAKIWEG



Diadomingo anochi a drenta informe di un accidente basta fuerte riba Sasakiweg riba e caminda pa Oranjestad, mesora a dirigi polis na e sitio. Na yegada di e patruya a bin compronde cu aki ta trata di un accidente unda e chauffeur bao influencia di alcohol coriendo den un Cadillac s.u.v. a bay dal fuertemente tras di un

Nissan Note perde control bay di patras riba un palo di lus kibrando esaki. Polis a detene e chauffeur pa core auto bao influencia. Despues na warda di polis polis a yama ambulans pa e chauffeur cu tabata sinti malo cu presion halto. Ambulans a presenta na warda y atende na e sitio mes.



HALA ROSEA LIBREMENTE



Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad iona.



ENSAYONAN PA E GRAN “CALYPSO SHOWDOWN” A CUMINSA

Riba dia 9 di augustus 2025 lo corona e Aruba Caiso Monarch 2025 durante e Calypso Showdown presenta pa Stichting Musica



Stichting Musica ta trahando incansablemente pa presenta e prome edicion di “Calypso Showdown”. Durante e festival y contest aki, cu lo tuma lugar riba dia 9 di augustus 2025 na Kulture Café San Nicolas, pueblo di Aruba lo cera conoci cu e Aruba Caiso Monarch 2025. Esaki lo por bira un Caiso King of Caiso Queen, cu lo gana e suma impresionante di Awg.

10.000,- como premio maximo. Fuera di esaki lo tin premio pa e compositor y areglista ganador y tambe premionan di incentiva, manera e.o. e premio pa Best Show y Best Costume.

E Calypsonians cu ta participando na e Calypso Showdown ta den pleno preparacion, pa asina presenta nan cantica den un forma potente, cu atencion pa tur detaye,

cu letranan fuerte y un bon show pa fortalece e mensahe cu nan kier trece dilanti den nan cancion. Despues di algun reunion, recientemente e ensayonan pa e Calypso Showdown di dia 9 di augustus a cuminsa na Poets Music Studio. E training a bai den forma ameno, na unda cu e Calypsonians a laga e musiconan di e All Star Band, dirigi pa Dwight Leoneta, completamente asombra. E calidad y nivel lo ta hopi halto pa e Calypso Showdown, pues e ta priminti di bira un evento historico cu

un balor grandi pa nos herencia cultural. Stichting Musica, e Calypsonians y All Star Band ta invita henter pueblo di Aruba pa bin disfruta di nan show y tambe di e Guest Stars cu lo ta presente durante di e anochi. Fuera di esaki lo tin un momento special pa entrega e Lifetime Achievement Award na Claudius “Mighty Talent” Philips. Stichting Musica a indica cu: “no tin ningun motibo pa keda cas riba e anochi aki”.

Calypso Showdown ta un

presentacion di Stichting Musica, conhuntamente cu Setar NV y cu aporte di Brouwerij Balashi y Elite Productions & Entertainment. Tickets pa entrada ta disponibel na CITGO Boulevard y CITGO Essoville, Tambe ta posibel pa cumpra ticket via Pay.AW. Tickets ta costa 35 florin pa cada persona. Tur hende lo ta VIP riba e anochi di Calypso Showdown, cu mesa y stoel pa sinta. Pa reserva un mesa (pa 10 persona), por tuma contacto via Whatsapp na 566-1819.

Minister drs. Rene Herde: INVERSION HACI NA WAF CASI 10 AÑA PASA A CREA UN FACILIDAD CU POR CRECE MAS!



Minister drs. Rene Herde y Minister mr. Wendrick Cicilia tabata presente diabierna merdia na waf di Barcadera, opera door di Aruba Stevedoring Company (ASTECC) pa asina ricibi mas informacion tocante e parti operacional y e proyectonan di e compania.

“E ta un operacion impresionante aki na Barcadera”, tabata e prome expresion di Minister drs. Rene Herde. Cada decision logistico aplica pa un operacion ‘smooth’ ta demostra e profesionalismo cu tin na e waf. Esey ta splica su exito



den apenas algun aña!

“E posicion competitivo cu ASTEC tin den Caribe ta demostra e profesionalismo di nos hendenan cu ta opera e compania. E inversionnan haci y e vision pa muda e waf di carga pa Barcadera a haci cu a crea un facilidad cu por expande hopi mas. Di tur loke Minister Herde y Minister Cicilia a tende for di dirigentenan di e waf, ta mustra cu tin oportunidadnan pa sigui desaroya y cu nan ta bon consciente di esey.”

E decision pa muda e waf y e compra di e crane - riba insistencia di Gabinete Eman II- tabata necesario pa tin un miho operacion den waf y pa haci e waf uno cu capacidad pa atrae clientenan nobo den futuro. Durante di e bishita a baha un motor RECIP cu un ekipo special pa hiba WEB. Diadomingo a transporta e motor RECIP pa WEB.

Tabata interesante pa Minister drs. Rene Herde mira kico tur nos

profesionalnan ta haci na ASTEC y con un compania funda door di casi 10 compania chikito cu tabata opera riba waf na aña 1983 awe ta un ehempel den henter Caribe. Minister Herde a expresa cu: “Ora bo combina un vision politico pa realmente construi un pais pa futuro, cu e boluntad di gobierno y di empresarionan priva, curashi combina y e capacidad di trahadonan, bo ta crea e tipo di resultadonan bunita aki pa nos pais.”


E TRIBON CABES DI MARTIU TA RIBA E LISTA DI PROTECCION DI NOS LEYNAN LOCAL

ORANJESTAD – Directie Natuur en Milieu (DNM) ta informa tocante e tribon cabes di martiu cu ta un especie protegi pa ley.

E tribon cabes di martiu ta haya su nomber pa via di e forma di su cabes. Su nomber científico ta *Sphyrna mokarran* y na Ingles conoci pa e *Great hammerhead*, e ta e especie di tribon mas grandi den e famia *Sphyrnidae*. Ta hay'e den lama rond mundo, den awanan tropical den e region ecuatorial. E forma di su cabes yama 'cephalofoil' ta hanchu y e parti dilanti ta casi stret den forma di e letter T, cu su wowonan ta peilo afo cada banda. Su boca localisa bou su cabes tin 17 rij di djente triangular n'e parti ariba di su cacumbein. E ta replasa su djentenan cada 8 dia. Algun sorto di tribon ta gasta 30.000 djente den nan bida. E sorto aki por biba 30 año y e peso maximo registra ta rond di 450 kilo. Su tamaño ta varia entre 4.6 meter y 6.2 meter y su color ta shinishi scur of bruin y bou di su curpa ta blanco.

E especie femenino ta bira mas grandi cu e machonan. E ta un pisca predador solitario y landado fuerte, cu ta alimenta su mes cu otro pisca, secat, kreeft, otro sort'i tribon mas chikito y su favorito ta chucho (sting rays). E embra ta pari yiunan cada dos aña, nan por haya entre 13 y 42 yiu cu ta nace bibo (vivaparous). E yiunan ta nace entre 50 y 70 centimeter cada un.

Aunke e ta potencialmente peligroso, e tribon cabes di martiu no ta ataca hende y tin biaha e por comporta su mes curioso rond di buceadonan. E tribon aki ta hopi gara y ta popular riba e mercado Chines como ingrediente principal pa sop'i tribon. Asina ta resulta cu e poblacion di e tribon cabes di martiu ta baha den cantidad rond mundo. Union Internacional pa Conservacion di Naturalesa (IUCN) a consider'e como criticamente na peligro desde 2019. Na Aruba tambe nos ta haya nan den lama y p'esey ta pidi piscadonan pa eherce cautela. E presencia di tribonnan ta indicacion di un condicion saludabel di e ecosistema marino.



NURIANNE ARIAS A ATENDE 'X CONFERENCIA LATINOAMERICANA Y CARIBEÑA DE CIENCIAS SOCIALES' NA BOGOTA, COLOMBIA



Na juni 2025, Nurianne a duna un presentacion den un sesion científico y a representa Aruba como academico na e conferencia di CLACSO dedica na ciencia social na Latino Americano y Caribe. Mas di 28 mil persona a atende e conferencia na Bogota y mas di 300 mil a participa di forma virtual. Na e conferencia a participa mas di 7 mil persona cu a ser escogi pa duna un presentacion.

E 'Consejo Latinoamericano de Ciencias Sociales', tambe conoci como CLACSO, ta reuni estudio di diferente area tematico cu e compromiso pa avansa ciencia social den e region Latino Americano y Caribense. E aña aki e conferencia a enfoca riba transformacion social y igualdad.

Nurianne a participa

como un investigador den e area di administracion publico, cuido di salud y incapacidad. Su presentacion a enfoca riba dinamica social rond di un persona cu ta biba cu diabetes.

E ta basa riba un estudio autoetnografico unda cu Nurianne a explora su propio experiencia bibando cu diabetes y incapacidad invisibel pa asina describi con sosten ta influencia e cuido propio di e persona. Banda di factor social, tambe a reflexiona riba factor cultural.

E estudio aki a duna Nurianne e oportunidad pa resalta con experiencia biba por contribui na dialogo mas amplio tocante con mester structura sosten di forma sistematico.

Comocu e investigacion aki tin como meta pa contribui

na transformacion di comunidad pa logra mas sosten y igualdad, e conferencia aki a trece un oportunidad pa amplia conocimiento riba estudio relevante den region. Na mes momento por a sondea con Aruba su contexto como isla chikito ta conecta cu meta regional na nivel di administracion publico y salud publico.

Nurianne ta miembro di Fundacion Diabetes Aruba, ta actualmente candidato pa PhD na Universidad di Aruba y Utrecht University, ta Vocero di Pashentnan di Aruba y miembro di Consejo di calidad di sector medico (Kwaliteitsraad). Cu e rolnan aki den mente, Nurianne a atende diferente sesion durante e conferencia pa asina trece conocimiento y practica cu lo por ta relevante y beneficioso pa Aruba.



CHAUFFEUR A BAY DAL UN U-TURN RIBA L,G SMITH BLVD. SIN A WAK TRAFICO SU TRAS CU A BIN DAL RIBA DJE!



Diahuebs madruga a drenta informe di un accidente riba L.G. Smith blvd., mesora a dirigi patruya na e sitio. Na yegada di e patruya a bin compronde cu aki ta trata di un accidente unda un auto Toyota Vitz a bay tuma un U-turn net ora cu un auto s.u.v. Mazda ta bin su tras y esaki a bay dal riba dje, Afortunadamente ningun hende a resulta herida.

Durante un off-road trip chauffeur ta perde control drenta mondi cu un UTV



Diadomingo atardi a drenta informe di cu un UTV a perde control drenta mondi y a keda pega, como cu no tabata tin ningun hende herida entre nan mes cu amigonan a ranca esaki afo y a sigui cu nan trip!



Den feliz memoria di Renita Blindeling- Hickinson

Nos colega Renita a traha cu curason pa Hospital pa 22 aña como Manager Maternity & Obstetrics.

Renita tabata un persona sumamente trankilo cu hopi pasenshi. Ken cu tabatin mester di dje, Renita tabatey pa scucha y brinda palabra di consuelo. Su forma di anda cu su coleganan ta di admira y sigur un inspiracion pa tur cu a conoce Renita.

Na trabou, Renita a demostra su dedicacion constantemente. Su entrega, pasenshi y esfuerso lo keda presente pa semper.

Ken por lubida su bolonan cu un sabor exotico y decoracion unico cu tabata lagabo cu gana pa mas. Y fin di aña sigur e bolo dushi di pruin cu nunca por a falta.

Hunta di Directiva, team di Maternity & Obstetrics, staf y personal completo di HOH ta desea su casa, famia y amigonan hopi forza den e momento dificil aki.

Renita nos lo haya bo falta sigur, pero bo legado lo keda pa semper den nos curason.

PALU DI MANGEL DEN KARIBE HULANDES: VITAL, VULNERABEL I DISPARSIENDO

Riba Dia Mundial di Palu di Mangel, Dutch Caribbean Nature Alliance (DCNA) ta bati alarma: nos palunan di mangel, naturalesa su protektonan di kosta, ta seriamente bou di menasa den henter region. E mondinan akí ku ta tolerante pa salu i ku nos por haña solamente na Aruba, Boneiru, Kòrsou i Sint Maarten, ta entre e ekosistemanan mas fuerte den Karibe Hulandes. Nan ta apsorbé te dies biaha mas tantu karbon ku selvanan tropikal, nan ta protehá kosta kontra erosyon i tormenta i nan ta proveé kamber di parto pa numeroso spesie marino. Tòg e palunan di mangel na nos islanan ta bayendo atras rápidamente. Pero tin un kaminda pa kana, si nos aktua awor.

Hayasgonan alarmante E rapòrt State of Nature Report Caribbean Netherlands (Estado di Naturalesa na Karibe Hulandes) ku resientement Wageningen Marine Research a publiká i ku e Ministerio di Agrikultura, Piskamentu, Siguridat di Kuminda i Naturalesa (LVVN) a supsidia, ta revelá un tendensia preokupante pa nos palunan di mangel. E rapòrt ta identifiká desaroyo di kosta i erosyon, empeorá pa maneho di awa deficiente i sedimentashon, komo e menasanan di mas grandi pa palu di mangel awendia. E rapòrt ta konklui ku hopi área di palu di mangel na Boneiru ta duna muestra di un kondishon ekológiko ku ta deteriorando, spesialmente na sitionan manera Lac Bay i Lagun, kaminda e interupshon hidrológiko ta grave. Akumulashon di sedimentu ta sofokando e sistemanan di rais i pa motibu di e estado deteriorá di e áreanan kaminda awa di yobida ta akumulá, mas tantu awa di roi ku nunca




antes ta resultá den áreanan di palu di mangel. Aunke e rapòrt akí a enfoká riba e mondinan di palu di mangel na Boneiru, e menasanan i patronchinan di medio ambiente akí ta visibel tambe na e otro tres islanan (Aruba, Kòrsou i Sint Maarten).

Mondi di palu di mangel ta forma un piedra di skina di tantu adaptashon na klima komo di biodiversidat i nan ta brinda servisionan esensial ku ta na benefisio di hende, bestia i ekonomia. For di protekshon di kosta kontra tormenta te dunamentu di sosten na piskamentu i almasenamentu di kantidatnan grandi di karbon, no tin palabra pa pone suficiente énfasis riba nan ròl den salú di nos ekosistemanan. E Rapòrt di Estado di Naturalesa ta klarifiká esaki: sin akshon inmediato i persistente nos ta kore riesgo di pèrdè e habitatnan krusial akí, i ku esaki e protekshon natural tambe ku nos islanan ta dependé di dje.

Kon nos ta sigui awor? E Ministerio di Agrikultura, Piskamentu, Siguridat di Kuminda i Naturalesa (LVVN) ta hunga un ròl krusial den konservashon di naturalesa na Boneiru, Saba i Sint Eustatius, manera nan ta splika esaki den e Plan di Maneho pa Naturalesa i Medio Ambiente Hulanda Karibense (NMBP) 2020-2030. Deklarashonnan resien, manera e yamada pa akshon di DCNA, ta enfatisá

e nesesidat pa akshon inmediato, miéntas un deklarashon konhunto di WWF i partnernan insular (entre otro DCNA, organisashonnan lokal pa áreanan di naturalesa protehá i ngonan di naturalesa) ta bisa ku segun kalkulashon tin mester di € 300 mion di finansiamentu adishonal pa por logra e metanan di NMBP pa aña 2030. Mas òf ménos mitar di esaki ta nesesario pa konservashon i restorashon direkto di naturalesa (manera palu di mangel, ref di koral i mondi), miéntas e otro mitar ta nesesario pa mehorashon di infrastruktura krítiko di medio ambiente, manera instalashon pa purifikashon di awa shushi. Ta trata di un suma grandi, pero problemanan grandi ta rekerí invershonnan oudas si nos ke mira kambionan real i permanente pa nos naturalesa. Retraso di akshon lo hasi futuro solushonnan solamente mas karu i ménos efektivu, miéntas nos ekosistemanan ta sigui deteriorá.

Na mes momentu e otro islanan di Karibe Hulandes, esta Aruba, Kòrsou i Sint Maarten, tambe ta konfrontando menasanan kresiente pa nan ekosistemanan i nan tin mester di mas sosten. Tin nesesidat urgente di un aserkamentu regional kordiná i mas finansiamentu rasonabel pa tur e seis islanan. DCNA ta



komprometé su mes pa yuda duna guia na e kambio akí pa tur e seis islanan di Karibe Hulandes. Ku sosten di Nationale Postcode Loterij i ko-finansiamentu di WWF-NL i Bloomberg Philantropies, DCNA ta ranka sali ku e Programa pa Konservashon i Restorashon di Habitatnan Importante. Pa yuda kombati e deterioro alarmante di palunan di mangel i di otro habitatnan importante, e programa regional akí lo pone énfasis fuerte riba habitatnan importante manera palu di mangel, ampliashon di restorashon na e sitionan en kestion, fortifikashon di maneho i mantenshon di lei pa loke ta trata medio ambiente, i integrashon di protekshon di habitat den planifikashon teritorial i den strategianan di klima riba tantu nivel nashonal komo nivel insular. Si nos pèrdè nos mondinan di palu di mangel, nos ta pèrdè un di e mekanismonan mas efektivu di protekshon di naturalesa kontra kambio di klima i pèrdida di biodiversidat. Pero ku akshon konhunto nos por restorá e ekosistemanan akí i sigui protehá bida riba tera i bou di laman. E artíkulo akí di BioNews ta forma parti di e seri nobo di DCNA tokante habitatnan importante den área karibense, ku konosementu for di e Rapòrt di Estado

di Naturalesa na Karibe Hulandes di Wageningen University & Research. Lesa e Rapòrt di Estado di Naturalesa akinan i aboná BioNews pa sigui e seri.



ARUBA Isla rondona pa laman Isla ruman di Bonaire Y Corsouw Su hendenan cu a muda Pa un bida nobo Na nos Madre Patria Mientras hendenan di Nos Madre Patria Ta huy pa friu ew y awasero Y muda pa un bida nobo Aki, riba nos baranca stima Pa disfruta di e dushi solo Den e brisa fresco cu amor Habri hala pa cosnan nobo Habri curason pa otro cultura, cu ta dura Un bida largo cu intermedionan di vakantie Cu aprecio y danki Na e milager yama Avion Crea pa genionan profesional cu dedicacion Bendiciona pa bon Dios Cu ta permiti union y reunion den famia Su amor den alegria .

Ruthy" Lady Ruth"

FORTALEZA PA FAMILIA

Scirbi pa Pastor Marcel Balootje.

DIOS KIER PA NOS BIBA NA PAS CU OTRO

Dia pa dia e manera cu hende ta trata otro, e falta di respet, e desacuerdo, e division, e pleito y e rabia, ta pone nos pensa ta te na unda e asunto aki lo yega, acaso hende no ta pensa cu nan tin mester di otro como ser humano, acaso hende no ta stima otro mas como prohimo, pasobra ta dificil bisa cu bo ta stima Dios anto bo no ta stima bo ruman.(1 Juan 4;19-22).

No ta algo pa haci wega cune, ni tampoco manipula, pasobra Dios no kier pa nos trata hende awe cu un cara awe ,y mayan cu otro cara, pasobra esey ta falsedad, y tur locual ta falsedad ta pica, pasobra un hende falso ta peca contra Dios y su prohimo, pesey nos mester tene bon cuenta con nos ta trata otro.

Si ta posibel asina leu cu ta depende di boso,sea na pasa cu tur hende.(Romanonan 12:18).

Nunca paga malo cu malo,na ningun hende. Respeta loke ta corecto den bista di tur hende.(Romanonan 12:17).

Falta di respet ta manera un manera di broma, por ehempel un hende ta sinta den un bus, y banda di dje tin otro persona sinta, e persona mester baha, pero e otro no kier, lanta of baha for di bus pa esun cu ta sinta banda di dje



por baha, e ta mira cu e espacio ta chikito pero toch, e ta persisti di keda sinta, y laga e otro persona trompeca na momento di su bahada for di bus.

Un hende ta papia palabra sushi y no ta worry ken ta tende, sea ta hende grandi of ta mucha chikito.

A bira awor cu esnan cu ta usa droga, especialmente marihuana, no tin respet pa hende,nan ta usa publicamente:

Un auto ta pasa holor ta dal fuerte, manera ta algo obligatorio.

Humamento di droga riba caya manera ta sigaria, Hende ta huma droga cu nan panja ta keda hole stinki di droga y asina mes nan ta cana drenta un tienda sin ningun clase di respet.

Y di berdad e cos ey ta kita pas di otro hende pasobra no ta tur hende kier pa droga wordo usa den nan presencia of presencia di nan yuinan.

1 Thesalonisensenan 5:13

ta para scirbi biba na pas cu otro.

Aspira pa tin pas cu tur hende, y santificacion, sin cual ningun hende lo no mira Senjor.(Hebreonan 12:14).

Pasobra e reino di Dios, no ta comemento y bebemento, sino husticia, pas y goso den Spirito Santo.

Pasobra esun cu di e manera aki ta sirbi Cristo , ta aceptabel pa Dios y aproba pa hende.Asina anto laga nos busca e cosnan cu ta trece pas y edificacion di otro. (Romanonan 14:17-19).

Den nos hogar mester tin pas, na prome lugar pa nos oracion wordo scucha, pasobra hende cu ta rabia cu otro, no por uni den oracion.

Ora no tin pas, no tin comunicacion sano y corecto, y asina nos relacion ta wordo debilita, y nos intimidad cu Dios y cu otro ta kibra.

Pesey e plabra di Dios ta bisa, no laga solo baha riba boso rabia,nu duna lugar na e diablo. (Efesionan 4: 26-27).

Ta deber pa cada mayor lanta nan yuinan cu respet, door di demostra otro respet den cas, cual ta trece amor y harmonia, y esey ta base di tur union, pasobra eynan Dios lo

comanda su bendicion (Salmo 133).


Si bo enemigo tin hamber, dune pan pa come, y si e tin set dune awa pa bebe. Proverbionan 25:21).

Mantene pas cu otro.

Sinceramente, Pastor Marcel Balootje.

"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi" Salmo 33

Cu dolor na nos curason, nos ta participa fayecimento di nos ser stima:



Sr. Victor M. Giel

Mihor conoci como "Toy"

*14-05-1941 – 25-07-2025

Acto di entierro lo wordo anuncia despues

NO DRENTA DEN E SOCIEDADNAN SATANICO

No dreña den nan asambleanan satanico, nan ta bao di un capa secreto. Nan ta haci nan huramentonan den nan iniciacion ritual. Bijbel ta bisa, 2 Corinthionan 6: 14 – 18: “ No uni boso mes cu hendenan cu no ta creyente. Kiko santidad tin di haci cu maldad? Kiko lus tin di haci cu scuridad? No por tin harmonia entre Cristo y satanas? Kiko un creyente tin di comun cu un incredulo? Tempel di Dios por sera aliansa cu diosnan falso? Wel, nos ta tempel di Dios bibo.” Bijbel Mateo 5: 34 – 37: “Ami ta bisa boso: No hura mes pa ningun motibo. Ni pa Cielo, pasobra Cielo ta trono di Dios, ni pa tera, pasobra tera ta banki di Su pianan, ni pa Herusalem, pasobra esaki ta e Stad di E Rey Grandi. Tampoko no hura pa bo cabes, pasobra bo no por haci ningun draachi di cabey preto of blanco. Laga bo si ta si y bo no ta no. Tur loke bo pone aserca ta bini di e diabel.” Nan ta rechasa e unico berdad di Dios Tata. Bijbel ta bisa, den Deuteronomio 6: 4 – 5: “Scucha Israel: Yave, nos Dios, ta e unico Dios. Stima Senyor bo Dios di henter bo curason, di henter bo alma y di henter bo curpa.” Esnan den sociedad satanico, nan ta nenga cu Cristo Hesus ta Senyor y Salvador y nan ta bay riba nan mes moral perfection y riba nan mes esfuerso. Bijbel ta bisa, Huan 14: 6; “Hesus ta contesta: Ami ta caminda, berdad y bida. Ningun hende no ta jega cerca Tata, si no pa medio di Mi.” Bijbel Efesionan 2: 8; “Pasobra boso ta salba pa medio di Gracia di Dios, pa medio di Fe den Cristo. Anto boso no ta haya salvacion pa medio

di boso mes esfuerso, ma e ta un regalo di Dios.” Nan ta ignora e bijbel di Dios y nan ta compara e Bijbel, mescos cu nan textonan pagano. Bijbel ta bisa, 2 Timotheo 3: 16 – 17; “Tur loke ta para scirbi den Escritura, a keda inspira pa Dios y ta util pa instrui, defende, coregi y pa educa hende pa justicia, pa un hende homber di Dios sea perfecto.” Nan ta adora diferente diosnan pagano. Bijbel ta bisa, Exodo 34: 14; “No adora ningun otro dios, pasobra Senyor ta un Dios celoso y E no ta tolera ningun otro dios. P’esey no sera ningun combenio cu e habitantenan di e pais ey.” Bijbel Exodo 20: 3, Dios Tata ta bisa: “Lo bo no tin otro diosnan, cu no ta Ami.” Nan ta nenga di menciona e nomber di Hesus den nan asamblea. Bijbel ta bisa, Philipensenan 2: 10 – 11; “Pa cu den nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios Tata, cu Cristo Hesus ta Senyor.” Esnan den sociedad satanico, nan ta rechasa e salvacion pa medio di fe den Cristo Hesus. Bijbel ta sinja, cu Cristo Hesus a muri y a resucita, Hesus ta e Unico caminda cu e humanidad por reconcilia cu Dios Tata. Bijbel Echonan 4: 12: “Den dj”E so por haya salvacion; riba mundo no tin ningun otro Nomber duna na hende, cu por salba nos.” E sociedad satanico ta sinja, cu nan ta trece lus of iluminacion pa nan miembronan. Bijbel ta bisa, Huan 8: 12, Hesus ta bisa: “AMI ta lus di mundo. Esun cu sigi Mi, lo no cana den scuridad, ma lo e tin lus di bida.” Esnan den sociedadnan satanico,

nan ta haci pactonan diabolico, osea bende nan almanan pa jega nan meta y nan ta wordo marca riba nan man of frenta cu e micro-chip di e bestia 666. Bijbel ta bisa, Apocalipsis 14: 9 – 11; “E di tres Angel a sclama na bos halto: Kende cu adora e bestia y su imagen y laga pone e marca riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bay halto den siglo di siglonan. Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marca di su nomber.” E organisacion aki, nan ta bini cu e, New World Order, pa tur pais. Bijbel ta bisa den Revelacion 13: 16 – 17: “Nan ta haci cu tur hende, chikito y grandi, riko y pover, liber y catibo, ta ricibi un marca riba nan man drechi of riba nan frenta, pa ningun hende no por cumpra ni bende, si e no tin e marca ey, esta nomber di e bestia of nomber di su nomber.” Akinan por comprende, cu lo bay jega tempo, cu plaka, ATM card, credit-card, paspoort, cedula, rijbewijs, pension, AZV card etc. no tey mas, nan ta wordo kita, pero tur esakinan ta wordo programa den un micro-chip y den e micro-chip tin e marca di e bestia 666. Y lo bo wordo controla via satellite, pa medio di e micro-chip den bo curpa. Mira You Tube, The New World Order, Bible Revelation 13 !

Skirbi pa Seferino Tromp. Un mensahero di Dios.

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Despues di un lucha di 6 aña, mi curpa a cansa y mi ta bai sosega.

Mateo 4:18-21

Hesus tabata kana un bia kantu di lago di Galilea. El a mira dos ruman piskadó, esta Simon, tambe yamá Pedro, i Andreas. Nan tabata tira reda den lago. Hesus a bisa nan: ‘Sigui Mi i Mi ta hasi boso piskadó di hende.’ Nan no a pèrdè pa gana, mesora nan a laga nan reda para siguiÉ. Hesus a sigui kana un poko mas leu i a mira dos otro ruman, Hakobo i Huan, yu di Zebedeo. Nan tabata sintá den boto ta prepará nan reda huntu ku nan tata. Hesus a yama nan i a bisa nan siguiÉ.

Cu profundo tristeza pero conforme cu boluntad di Dios, nos ta anuncia fayecimento di

Segunda Mathilda Laclé-Flanegin

Mihor conoci como Thilda, Oma of Omachi, Tanchi, Tanti, Mama y Pepe
*08-09-1950 – †22-07-2025

Su casa:

Hendrik Reynaldo (Henny) Laclé

Yiunan:

Paola Laclé, yiunan y Chase

Lisette Laclé y yiu

Suzette y Darall Erasmus y yiunan

Nietonan:

Sue-Ann y Joan Danies y Kandee

Sherrianty Kelly y yiunan

Gixiana Vrolijk y yiunan

Naygel Kelly

Gixielle Vrolijk y Jean-Louis Peterson y yiunan

Gregine Vrolijk

Ganthalle Vrolijk y famia

Gislaine Vrolijk

Gendrick Laclé y Charlotte Barends y yiu

Shanley Eduwardo y Emma Harmsen

Denise Eduwardo

Bisanietonan:

Ziana, Zayden, Randall, Jerchell (su purukati), Raevann, Sèlina, Raheem,
Joah, Zoan, Zavi, Eliza-Mae y Noëz.

Su Mayornan

†Ana “Canichi” Angela-Flanegin

†Angelico “Jeje” Flanegin

Rumannan

†Vito y †Nanachi Thiel

Henrique “Chino” y Leichin Thiel

†Fernando “Elio” Flanegin

†Jan Willem “Wim” Flanegin

Angel “Chonai” y Ines Flanegin

†Jesus “Nel” Flanegin

Jan Hendrik “Jenny” Flanegin y famia

Subrino y Subrinanan

Victor Thiel y famia

Eric Thiel y famia

Robert Thiel y famia

Subrina stima: Ilienne Thiel (mi bunita)

Subrina stima: Annaly Thiel (mi mahos) y yiunan

Rayron Thiel y famia

Enry Thiel y famia

Elvis Thiel y yiu

Subrino stima manera yiu: Aldwin Flanegin y famia na Merca

Angel Flanegin y famia na Hulanda

Jereld Flanegin

Shannon Flanegin y famia

Sean Flanegin

Sam Flanegin

Un gradicimento grandi ta bay na full e Team di Dialyse Kliniek HOH, manera e tabata yam’e: “mi trabou di 3 biaha pa siman”.

Na esun cu semper el a yama su “yiu homber” verpleegkundige Darrol Pietersz

Na su zuster personal Jaycelyn Maduro pa tur su cariño, atencion y combersacionnan cual ta loke e tabata gusta mas hopi.

Un danki na Raiza Carolina pa su atencion y cooperacion.

Na tur su verpleegkundigen stima: Meredith, Edna, Natasha, Mirlenda, Joanie, Zuki, Richie the rich, Ingrid cu semper ta dun’e un sunchi como e vitamina pa dialyse, Y demas zusters y broeders. Y special na tur su otro coleganan di Dialyse...e ta desea nan hopi forza.

Un danki special tambe na Marisela Werleman, pa su cariño y atencion y pa semper pone Mami hari y na tur su coleganan di Club Roy 50+.

Un danki grandi y special tambe ta bay na dr. Rasmijn pa tur su atencion y etica profesional,
corda dr. Mami semper ta bisa: “bo ta nechi”.

Ta invita pa acto di entierro cual lo tuma lugar na Royal Funeral Home diaranson 30 di Juli 2025 di 9.00 am - 13.00 pm.

Despues lo sali pa Santana Catolico na Sta.Cruz

Nos ta lamenta cu despues di entierro nos no por ricibi bishita di condolencia na cas.

Nos disculpa si den nos tristesa nos por a lubida un of otro famia.



Ihanan:

Lica Tromp y famia,

Debbie Dabian y famia,

Jamila Williams y famia,

Angel Flanegin y famia

Atanee Hassell y famia,

Eugene Williams y famia

Famia/Hendenan di cas, di infancia y di bida:

Prima, mane’ yiu: Lica y Hubert Tromp

Ruman y cuña stima: Henrique y Leichin Thiel

Ruman y cuña stima: Chonai y Ynes Flanegin

Ex Cuña, mane’ ruman: Jessica Franken

Sua y cuña stima: Helen y Jaime Laclé

Prima stima, mane’ yiu: Ingrid y Eric Arnaud

Amiga, mane’ yiu: Sandra y Tony Laclé

Su amiga y comer stima: Jolanda Geerman

Amiga stima di infancia: Manirma y Henry Lampe

Amiga stima di infancia: Susana Maduro y famia na Hulanda

Subrina di curason: Fabiola Dixon y famia na merca

Su ayudante cu el a stima: Francisca Totasig y James

Tanta y omonan, primo y primanan, sua y cuñanan.

Demas famia,

Flanegin, Laclé, Angela, Erasmus, Kelly, Danies, Vrolijk, Mitchell, Nijenhuis,
Peterson, Barends, Eduwardo, Harmsen, Henriquez, Thiel, Franken, Ramos-
Lanoy, Lugo, Engelen, Dirksz, Rosel, Carolina, Willems, Albertsz, Dabian,
Dixon,Tromp, Hassell, Alvarado, Williams.

TIENDA DI EDUCACION: AMOR INCONDICIONAL

Tin amor propio, tin amor pa bo prohimo pero tambe tin amor pa bo yiu(nan) cu ta un amor incondicional. Luna di februari ta conoci pa ta e luna di amor y amistad. Como mayor tur dia ta un dia di duna amor pa sea e baby e mucha of e adolescente. No solamente cu palabra, pero tambe cu hecho nos por demostra cu di berdad nos ta stima nan. Ta importante pa ora di muestra nan e amor cu nos tin pa nan pa busca e contacto visual pa asina confirma y fortifica e palabranan di stimacion.

Amor incondicional

Kico nicifa amor incondicional realmente? Amor incondicional significa un amor caminda no ta conoce limite of no tin condicion mara na esaki. E por wordo yama tambe amor cu compassion of wordo asocia cu amor completo. Pensa ariba e amor cu bo mayor(nan) kisas tabata of tin pa bo y naturalmente e amor cu abo mes como mayor tin pa e yiu(nan).

Como mayor ta importante pa duna amor na e yiunan pero esaki no significa cu lo laga e yiu(nan) haci locual cu nan kier. Pues mester pone regla y limitacion cerca e yiu(nan) pa nan mesun proteccion. Esaki tambe ta parti di amor y lo mester wordo practica di un edad jong of for di baby caba.

Kisas ta dificil pa bisa e mucha un no of cu no por. Pero nan tin cu siña deal cu es-

aki. Ta importante pa duna e yiu(nan) na un momento asina un splicacion pakico. Tambe si tin posibilidad pa duna un of mas alternativa of opcion ariba locual no ta posibel. Papia tocante amor y intimidad

Ta importante cu mayor comunica y papia tocante di amor for un edad hoben cu e yiu(nan). Pregunta(nan) lo surgi for di e mucha(nan) tocante e topico y lo yega un dia cu e mucha of hoben lo tin tambe sentimento di amor y intimidad. Esaki pa hopi mayor kisas ta un topico dificil pa papia cu e yiu(nan). Si mayor tin dificultad pa papia tocante intimidad y sexualidad semper por acudi of comunica cu Tienda di Educacion.

Nos ta bibando den un era caminda cu informacion ta tur caminda, e cuestion ta si acaso e informacion ta esun corecto. Vooral ora ta trata mucha of hoben ta importante pa nan sa cu no tur informacion ariba internet ta cuadra cu e realidad. Ta bon pa busca e fuente di unda e informacion ta bin. Tin organisacion grandi internacional cu por ehempel tin otro metanan di existencia y no tur ora ta cuadra cu e meta di duna of informa e comunidad, kisas pa por bende un servicio of producto.

Tienda di Educacion Mayor bo no ta para pa e retonan aki boso. Ta tareanan



cu por muestra dificil pero Tienda di Educacion t'ey na disponibilidad di comunidad di Aruba pa duna abo e sosten y guia gratis. Por contact Tienda di Educacion na 161 cu ta disponibel di dialuna pa diabierna di 8

am pa 6 pm non-stop.

Tambe por like nan Facebook page keda informa y tambe comunica di nan servicionan.

Tienda di Educacion ta situa den edificio di Centro

pa Hoben y Famia na Sabana Blanco 68-C y ta na servicio di henter comunidad. Nos muchanan ta nos futuro. Ban crea un futuro caminda cuida propio ta wordo practica constantemente.

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7) Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo